

OBAVIJEST – Radi učešća u programima potrebna registracija korisnika

(Sarajevo, 24.1.2025. godine) – Federalni zavod za zapošljavanje obavještava pravna i fizička lica, tj. poslodavce i nezaposlene osobe, koji namjeravaju sudjelovati u mjerama aktivne politike zapošljavanja u 2025. godini, da se prethodno trebaju registrirati na web portalu Zavoda www.fzzz.ba ukoliko to do sada nisu učinili.

Potrebno je registraciju izvršiti najmanje osam dana prije objave javnih poziva, nakon čega registriranje više neće biti moguća (objava javnih poziva se očekuje u trećem mjesecu). Napominjemo da poslodavci i nezaposlene osobe koje su se ranije registrirale to ne moraju ponovo učiniti osim u slučaju izmjene unesenih podataka.

Pozivamo sve potencijalne korisnike, poslodavce i nezaposlene osobe, da redovno prate našu web stranicu kako bi blagovremeno bili obaviješteni o tačnom terminu otvaranja javnih poziva.

Registracija predstavlja nužan preduslov za sudjelovanje u programima sufinansiranja zapošljavanja i samozapošljavanja, odnosno za podnošenje prijave za učešće u istim. Na navedeni način, korisnicima se olakšava i ubrzava sam postupak apliciranja za poticajna sredstva. Podatke koje poslodavci i fizička lica popune prilikom registracije **NEĆE MORATI** ponovo unositi prilikom prijavljivanja na javni poziv.

KAKO SE REGISTRIRATI?

Registracija se vrši putem web portala Federalnog zavoda za zapošljavanje klikom na dugme „Klikni ako si nezaposlen“ ili „Klikni ako si poslodavac“ u gornjem desnom uglu, a zatim na opciju „Registracija“ koja se nalazi ispod dugmeta. Nakon otvaranja forme za unos podataka treba slijediti upute, odnosno unijeti tražene podatke u odgovarajuća polja. Nakon unosa traženih podataka korisnici će putem e-maila biti

obaviješteni da je proces registracije završen. Po završetku registracije Zavod će provjeriti validnost unesenih podataka, te u slučaju da se ustanove nepravilnosti, registracija će biti obrisana o čemu će korisnik biti obaviješten putem e-maila.

Prezentacije procesa registracije možete pogledati u nastavku:
REGISTRACIJA POSLODAVACA

REGISTRACIJA FIZIČKIH OSOBA

Nakon uspješno izvršene registracije, a po objavi javnog poziva, poslodavac ili nezaposlena osoba se putem korisničkog imena i lozinke, koje je sam odredio prilikom registracije, prijavljuje na web portal Federalnog zavoda za zapošljavanje, a zatim klikom na meni „**Projekti**“ pristupa dijelu gdje se omogućuje podnošenje prijave za učešće u programu sufinansiranja zapošljavanja.

U slučaju nejasnoća ili eventualnih poteškoća prilikom registracije, molimo kontaktirajte Federalni zavod za zapošljavanje putem e-maila: registracije@fzzz.ba.

Napomena:

U vezi sa neophodnom registracijom korisnika na web portalu Zavoda, te online prijavljivanjem za učešće u mjerama aktivne politike zapošljavanja (kada bude otvoren javni poziv), obavještavamo Vas da se, u tu svrhu, ne preporučuje upotreba mobilnih telefona nego osobnih računara.

Ukoliko je upotreba mobilnih telefona neizbježna/nužna molimo korisnike da u tom slučaju koriste klasični desktop prikaz na pretraživačima kako bi izbjegli tehničke poteškoće prilikom registracije ili online prijavljivanja na neku od mjera.